

ÑAJÚN RIÁKHÚ

XÓ MITHIAÚN GO'Ó TSÍ GÍDI ADÁ GAMÍ EGEN LA'KHÍIN.

Gíma rí gukhuamaló mane jamí gagui akhialó khangó phú gidó numuri ri mamañalo endó ri muwuadaló adíaló jamí xugui xuajén ja'yó jamí mambayú ri mithiaú tsí mone ñaná jamí phú gíma rí makuitsí mujú numuri nakui ikhá nanungó nakhú adá jamí naxú jamí ragímá marakhá xkhiyú agó endo ri jagui xabó jami manébanú xó ithá gu'wá thana.

Ri khixthambá wuadá naníaló ñajú ri xúgui xuajén gído gu'wá thana ikhá xukhó nathá xó muni jamí di múphi endó judiin xabú ikhimá nagánu khísthambá gamá ya'dú muwán ejen jamí wánú ó dxáma númurí námbayúne magajjin jami ikhíma ínithú xó monemujuné jamí xó múwuané.

Gíma rí mukhuetsó mujún ñaná tsí jagui xabú khangó ma'noó' yadú magá adá jami xi ñaná najanú maxa xnixú adá khangó xa jidó nandii jamí ñaná tsi jágui xabú gímá ri mbambá goó' magué na gu'wá thana jamí manémba'nú xó ithá ikhimá mbiyú xi tharakhá xkhiyú jamí xó ikhá adá endó ri magumá, jamí najaná thana rí maxnú tsiákhé endó rí ñaná jagui xabú rá gimá maga thana ri tsítha xabú tsí dayó thana numuri xúgui thana ri nawualó nanú'gó na idí gamá ná yadaló íkha naganú adó na khuán adá jamí xí naná natsikhá dii, nañá iya nagá, nané madxú ri nagajá a'dé numuri xugui ri nakuií ikhá nanugo nakhó adá ikhá rukhó ñajú ri dañú nandii ejen ikhamá naná dayó nandii naguidú dambá yadú.

IYA RÍ NAKHÁ IDXÚ YADALÓ ENDÓ NAGUI'DÚ MEKHÓ ÁWUALÓ.

Iya ri nakhá idxú yadaló edó ri niguiyú mekhó awualó, iyá rukhó nakhá endó xí monexuajeló ikhá rukhó gidó tsíakhé numuri rukhó nambáyúri tsi mixú adá jamí tsikhó aún nimá, tsiyó dithaá' rukhó nambayuné ri tsiyú nanii ejen khangó xi tsikhanerá gíma mudximbíló yadaló tsetsé khangó mambayúmá magathá yadú adá jami moxnitsiló' ado aguimú mbámbá endó naxkidxú.

YADÚ RÍ NA'XALÓ

Xi naná nakuetsó mujú rigá yadú magá adá magajá jamí xhukui gané khangó phú jayó ri maxun xoxthóo naní numuri rukhó nambáyú ri tsiyú nandii jamí ja'o igají khangó gidó numurí mujjaló ñawualó endó rí muxníxuló jami muxúdi yadalo gamá yatsí, xthín wuámbá xthithi khangó ja'oné maxú adá mbamba endó dambó naxú muxnaló wuámbá xudú khangó mariyá gíñá jamí xí wuambúu nixú muxúdiló yadaló gamá xthín wuámbá xthithi khangó xodomá yadú jamí xí nakhó yadaló endó rí nambaló noxníxílo adá guimá mutsíríyaloné maxnú gíñá o ákhá' mbegómá.

Xí nakhá ídí yadaló ó yaxkhá ná xo níxíló adá moxídíló yadaló jamí modaáló íyágawuá mbá shí maxníxú adíaló ídolá xí dawuá rá monéló guwuán, magá jamí xí niwuá yadaló mothanaloné gama iya niguegó magnó mbá aún rothó rukhu rukho nambayú rí xikhalo gamáné jamí munaló iya niguegó aún rí nunaló muxudúlo yandaló.

Xí tséne jaúló ná yadaló íkhá rukho nane nandii rí nagá yadaló khango xí nakhóne gíma rí mugualo inú xábú xi dayó thana jamí rí jayó mbuyaló na numú nambíya adá xí ínúma wuambálo níxníxíló numurí mbaín ejen nonó edé nuxú jamí íwiín tsí notsímú yadaló ní tsíxú, khango jayó rí mbuyaló xí nagathá yadú na aphú adá.

Íkximá naníaló wuandá yadú rí nuxaló jamí gíma maxú adá gama mamílá rukho nanbayú rí xí xumú gakhé wueño yadaló jamí mbambá endó naxguídxú gíma moxnixíló adó aguimú jamí xí tsí niñú rambiye iguí rí mbuyalo dí gído xí thíkhú xukhú ó nimíxú.

Yadú rí ídíí rá gíma muxnalone adá ná numurá, numurí shíán wuatha mbí gathíne nukhú igunúne moshelo, ikhí shí nugujúaloné nothe rí phú majané nanguá ítha maja yadú xosthó naníaló jamí xí naxu adá mamílá gíma rí mígane gíní nukhú wuena gujialoné.

XÍ NAMBIYÁ ADIÁ TSÍ KHUETSO MUJÚN

Gíma rí muguí idxaló edó níthalo xó mone mbabílo ejen khango xó wuadaló xkhudú xí nambíya ada ó nanguá gagí akuín endó dambó nakhítsí jamí tsené jíñii rukho nathá rí tsí khuexo mujú.

Xí tsí khuetso mujú adá nagídú naratha skhíyú jamí na míxú naguídú nodó raú jamí naraá xuwuá na xthó ó nané mumí jamí nawuá.

Xí jaúmá gaja adá gamá yadú naní íkhamá rukhó agá jamí xekhó ímbá íní wuanítsú adó aramú majú goó maxthíkhú rí mekhó endo xí tsíyo moxnixílo moríyalo yadú magá gama mamílá.

RÍ GUINÍ WUANITSÚ DRÍGÚN EJEN

Gíma rí endó naguma adá makhuesho muju khango jíñí gané xo rí guíma mané jamí phú jayó míkhíí wuanítsú rí mambayu magajá ídxú, aún, itsú khango magído tsíakhé xí khuetso mujú endó guendo ajmá tsígú íkha rukhó nané rí tsí gajá jamí shíyó gatsí jamí mañu ñajú júmúu.

Endó gído majú goó' adá magá yadú naní jamí rajayó míkuí íwuá wuanishí índó naní gíma rí makuetso mujú khango xa rakhá xkhíyú.

Xí níbramú majú goó' gima majá yadú naní mangá moguídí muxnaló ndxáma, rawuidí modxíphalone mujundalo raún jamí guma murmajaloné míkhí jamí muxnaló rí mikhuí rí muné gukhí xó rúbú gamá gojó.

Xí niramú mínaguwá goó' gíma rí maga xthikhú iní gúwuan jamí íyo, yaja.

Xí niramú mbá tsígú magómá mikhí rí nané mopholo rí mbá guwuáló xo yaó, yajá, xndú iwuá iní rí napholó numurí gíma muxmbíguloné mikhí.

Xí niramú ajmá tsígú gíma míkhí rí napholo mba xuguíalo rí rá guídó dú ní iya thaún rí nakha aún rathó jamí wuanitsú rí naguma gamá iyí numurí rukho nane rí dayú nandii ejen jamí endó naguidú nakhá íñú gíma rí muxnulo guma jambuxó ó medá ikha rukho nathó íñú rí xañúu wueñone jamí xí níguwuímané muxnalo xthikú iní wuanitsú jamí moxphiguloné míkuí.

XÓ MONE MAJALO XTHIKHU ÍNI RÍ MEKHO ADÁ

Wámbó rigo yaja jama arroz.

Dí mamalo ajmá chala yaja jamí chalá arroz.

Xó monemajaloné mogríxmbílo yaja jama arroz mbá rukho mudawualoné mikhí.

Wámbó rigó yaja gama ñúú mekhó adá

Dí mámaló atsú chalá yaja gamá nigá mbá chalá ñúú thíwuaphá taza iyó yaja.

Xó monemajaloné modríyaló yaja aún xúba jamí mudawualó ñúú gamá iyó yaja jamí mbújílóne ambá rukhó mudríyaló yaja mugidíló modximbilóne adó mane wuambó muxnalóne adá mekhó.

Akhó guma ájmá iní xkridú xó mané majaló rí mekho adá xkhuaní magó monélo mbá iní rí mikhí khango ja'o jamí gukuií magá rá gajá.